

桂留山房詩集

桂畱山房詩集卷七

寶山沈學淵夢碧

阻風白蜺江和倪九方孝廉

湖光十里畫濛濛野港移舟四面通
昨日阻潮今阻淺朝來愁雨暮愁風
竹頭犖确橫漁蘂雲腳模糊掩筍篷
我是江湖餐宿慣莫將喪手笑篙工

澄江官廨訪蕭子滂別駕卽席賦贈

今朝纔放剡谿舟人與梅花一樣脩
如許知心乍相見況逢握手盡名流
紅牙按曲歌三變白紵聯交徧九州
寄語雲蘿今舊雨新詩篋衍未全收

謂萊臧及周泉南郁濱

元夕子滂席上食河豚

荻蘆芽短春還早
橄欖漿酸酒不辭
儘悔讀書仍未熟
也應風味勝蚶蜆

自家至毘陵操舟者繫余鄰人至是遣回

一江寒水碧粼粼
十日東風不算春
惆悵毘陵今夜雪
扁舟又別故鄉人

淮陰折柳曲六首

不怨飛花怨落梅
春風隨我渡江來
王孫芳草年年綠
愁上淮陰舊釣臺

漂母祠前起暮潮
謝公城北雨瀟瀟
數聲風篴袁江泊

十日離魂一夕銷

淮浦東風漲綠波
淒涼水調不成歌
雙雙畫槳乘潮去
但渡長江莫渡河

渭城三疊最殷勤
細雨如絲颺麴塵
但過黃河無此酒
勸君更盡玉壺春

下水船車改早關真
消質息看刃鏝春
來手種蘼蕪草
綠徧淮南兩岸山

江頭送客泣琵琶
緩緩還歌陌上花
柳絮可憐飛不定
隨風一路到天涯

汶上大雪趙子鶴亨衛
朱梅圃元鼎
兩同年招飲

用東坡聚星堂韻

齟齬聲喧如落葉老馬凌兢一背雪門前官驛路旁午
不信今朝人蹟絕土牆四角圍荆扉一白茸茸蘆葦折
紆干凍雀號寒蟲滑拙無溫鑪火滅何來剝啄非惡聲
白木屐屐手自掣雪花如片酒花細一齊吹作魚鱗鱗
豐貂抹額雙嬋娟銀甲琵琶霏玉屑客愁悵觸酒易醺
過眼煙雲真一瞥曉風變變金井麵此時惟有餅堪說
江南春酒何處沽衝泥明日蹏輪鐵

早發東阿至銅城驛晨食車中得絕句六首

店門響脊柝老馬齟齬殘莖斜月未三更已有鈴聲過

五夏天雨霜敝裘襲寒氣時起揭簾看問訊天明未
雞鳴桑樹巖喔喔天初曙不見酒帘垂再過前邨去
前邨路轉遙寒雲罨林隔昨夜五夏霜時作瀟瀟雨
一雨洗黃埃平沙輒於禡立馬店門前春草綠上屋
茅屋晨吹香入門惟說餅飮馬待須臾輓轡汲雙井

題薊嵐示後錄

薊嵐姓羅名潤湘汀州人年十一父遭奇冤女
兄亦坐累潤湘代父繫獄官奇之事竟白今老
矣錄委曲以示後人使不忘前事云

薊嵐先生古俠士不爲俠士爲孝子破巢人索孔融兒

溪井名傳聶政姊十齡噩夢幻雲煙家難淒涼捕後蟬
斜勒朱封摧霹靂白鳥黑鷺各茫茫黃犢初生健如虎
不知有官知有父枷鎖吹來一縣香橐飽嘗盡三年苦
團扉代繫詫奇童大理如瘖社長聾忍死願爲批頰鳥
平生不作叩頭蟲白日青天銷雪霰團欒重識家人面
軍書幸免阿耶名劒血尙汚慈母綫華嚴小劫去堂堂
半世風波兩鬢霜軼事脩成耆舊傳奇冤訴與子孫行
古來忠孝譚何易孝經一卷英雄記敢云我輩是完人
要使女曹知此意淚痕和墨滴蟾蜍徧體摩挲舊髮膚
果報不譚顏氏訓俠遊仍戒馬援書後人珍重楹書讀

玉女艱難冒女福此事偶成身後名當時刻卻心頭肉
偈仄崎嶇五尺身握蛇騎虎聽吟呻世間不少奇男子
莫使緹縈冷笑人

題高麗進士金山泉

命喜

詩卷卽用箕都詩韻

鳴綠鄰鄰春水生江波濯筆送君行花迎四牡歌先豔
潮汨三韓語不平東海經灰徐福島中朝紙價洛陽城
料應歸及雞林道一路題詩倍有情

箕都作

朝鮮

金命喜 山泉

蘭葉初齊白芷生獨尋芳草恸江行詞人舊謝許元
度上士誰稱向子平落日烏檣羊角島春風豪竹樂

浪城停輓且問雲州路欲說當時已愴情

長椿寺訪九蓮菩薩畫象

華嚴一劫恆河沙金輪湧出芙蓉花垂條瓔珞現眞相
一層宮絹籠青紗君王暫醉西城宴夜半宮門呼盥面
出身亦是都人兒不學須看霞光傳栴檀香霧出慈甯
繡佛絲多佛有靈願將法駕雙輪紫換作蓮花九朶青
名山寺刹連榱棟十萬金錢資梵誦脩到武清外戚家
竟成慈應眞君夢別有袈裟紅錦新莊嚴寶相畫天人
劉家一炬憐焦土遺象淒涼哭孝純

蔣伯生大令

四培

戊旋留寓都門喜贈二首

小雅何心作怨誹楚騷一卷寫芳菲赫蹏鈔徧長安市
袴褶裝成短後衣殘醉彎弓嗜虎臥高秋盤馬阜雖肥
千篇闕塞嘉州橐譜入悲笳雪亂飛

零章賸句手親編低首宣城已十年此事直應推海內
近來况復勒燕狀銷除結習非名士坎坷流人是謫仙
果有瘡痂成癖好秋風團扇未曾捐

君以素扇
索書舊句

商塘以拜石山房詩橐屬余刪校客來繙閱有大
加訛議者余不暇與辨作詩以報商塘兼示秋平
穀廉見余之非阿私伐異也

世無楊鐵厓豈有媯雌子

叶

世無王弇州乃讓歸熙甫

妄庸及文妖詆謫良太苦今讀四部彙要誦新樂府濃

香薰班馬哀豔擷徐庾平心論古人慎勿判門戶況復

居同鄉風流能接武

鐵厓亦流寓吾鄉

文人柰相輕前賢恆受

侮如君著作才雲夢自吞吐瀝液傾六朝芳非懷二杜
平生具三長此事足千古客來說鏗鏗堆紙微訓詁夏
蟲莫語冰巢居豈知雨擁腫驚橐駝爛熟煮鸚鵡寸莖
敲洪鐘疾雷擊布鼓豈解子雲嘲眞羞樊噲伍六鈞請
傳觀再命當益俯請莫賦三都此間有僧父

雨後借黃鹵香

茂

倪九方過法源寺

一雨繡新綠入門聞草香非野得野意薜荔垂紅牆風

鈴和檐鐵梵誦聲琅琅
轆轤雙井甘石火敲禪房同此
苦茗汁肺腑生清涼
乃知西南城風味差足強
殘花墮歛歛絳雪堆石牀
掃花如掃塵一笑諸僧忙

豐臺賣花曲

豐宜門外豐臺市芍藥花開香十里
連擔侵曉踏歌來
一唱賣花人盡起尺髻淡垂燕尾髻
城中城外鬢雲高
睡痕濃壓花雙朶酒暈斜分玉一條
金刀夏剪銀瓶供
壁人自抱羊車送泥女紅嬌周史年
祝君金帶揚州夢
殿了春光便可憐賣花時節落花天
生成北地臙脂貴
嫁與東風不直錢征鴻社燕江南客
做車羸馬長安陌

本甲上方言
卷一
二
斐尾踪來酒易空
狀頭題罷花無色
芍藥而今比杏花
曲江春盡送天涯
披衣莫被紅腔喚
壓帽先愁綠鬢華

津門道中

潮落丁沽海脈乾
桅檣戢戢倚河干
離懷漸似中山醉
世事真同上水難
牛峽當窗三暮見
羊腸作岸九迴盤
何當歸趁瓜皮艇
料理江鄉舊釣竿

糧艘二友篇贈江陰夏穉齋孝廉

翼朝

汀州伊少

沂別駕

念曾

輓紅踏碎雙芒屨
春風滾滾槐花街
故人折柬歡儔侶
雨今雲古皆吾儕
始晤於秋
平席間
琴書蕭條吐肝腑
衫履漉漉

脫忘形骸秋蟲託宇氣索索春禽得友鳴啾啾相期卜

鄰久茲土一尊瑁璪前言乖短衣襍被打包去解嘲仍

與計吏偕

余與補郭以下第出都少沂以需次告假

是時潞河水初漲漕艘

鱗次颿檣排許我附庸成一隊差勝馬足生塵羶夾洲

畸零長荒荻舊埽截稟橫枯柴沿流伐鼓促津吏當關

索米愁官差舵樓絢爛嚇魑魅篙工寡狠如狼豺晨春

千鍾相

去

邪許暮歌四面流淫哇圈行忽作磨上蟻怒

目欲突車前畫計從沾涎泝漳衛遙想汶泗通江淮十

盞十決頗作氣三朝三暮仍無涯中途淹滯不可耐吾

曹意氣猶能佳文史跌宕互商榷吐屬譎詭同優俳憶

書勝負賭酒券得句絡繹催詩牌隸碑摹成折尾蠹篆

石凍作流涎蝸梅根突兀冷鐵汁蘭芽瑣細垂金釵

二君

俱精篆隸少沂
尤善畫梅蘭

鼓琴不彈鴟絃柱

余曾著無絃
琴堂寓言

學劔手

製魚皮取傳奇往往讀野史志怪歷歷搜齊諧夜淡自

注北條水午倦偶夢南柯槐銅盤汲泉浸瓜李土銜給

饌珍魚鮭一千里路久盤折四十餘日何沈埋人閭豈

無地可縮世事竟若天難階奇雲作峰變不測新月照

水明於搢昨宵驟雨澤下尺漲痕沒草浮根菱河隄條

生瓜蔓水田稜漸長麻梁稽傳聞三版啟孤牖瞬息百

里經長簿梳竿徐吹風策策舵尾側聽波潏潏卽今行

止本前定暫時遲速甯紫懷平生聚散太倉卒缺事欲

補無靈媧何如借此作良覲兼討後約青山厓晉甄漢

研拓古字

秫薊所蓄二研

周鐘鄭敦羅蕭齋

少沂家藏二銅器因以名齋

齋

魚成仙細若髮

少沂尊人墨卿太守藏書最富

蠖蠖作醢甘如蜜

秫薊顏所

居曰蠖廬見晉書夏統傳

近遊遠涉無不可一舸擬載吳宮娃倘因

此役戒舟楫僂跨白鼻黃金駒

伊墨卿太守

乘綬

秋水園圖令子少沂屬題

秋風稻穉掩柴關路指南塘第幾灣四海循聲如白水
十年歸夢有青山園林蹤蹟成鴻爪翰墨因緣見豹斑
珍重楹書三萬卷蘇瓌手筆在人間

衛河舟次偕秋平夜話寄懷李少坪卽用秋平都門秋懷詩韻六首

多少愁邊與酒邊
天涯鄉里話纏綿
南飛烏鵲空三匝
北嚮征鴻又一年
水調歌殘成獨聽
山香舞罷倩誰憐
憑君莫悵風颿滯
駑馬長途久不前

臙脂畫本褪輕紅
一例中年感慨同
秋後芙蓉波嫋嫋
春來楊柳別悠悠
蛤蜊菰葉吟歸客
鱸膾菹羹覓釣翁
不信連檣今夜泊
蕭蕭聽雨夏聽風

冶春小隊盡輕肥
粉署藤花畫省薇
彈鋏未諳偏買劍
障塵何術不沾衣
元經起草黍霜鬢
飯顆相逢減帶圍

星紀回頭驚噩夢怕從人海看芳菲

十萬黃金一羽輕脣乾口燥數生平秋蟬捕後憐家難
寒鳥嘯時見世情飄泊田園歸計拙蒼茫湖海客愁生
出門西笑無端甚辛苦蘭閨刀尺聲

論交卯角各飛揚鑿壁平分夜火光竹外彈蕉誰寄託
酒邊舞蔗看低昂冬心自耐貂裘敝秋氣先悲團扇涼

我愛白沙江上住讀書種子有黃香

白沙二君
所居里名

爛熟黃梁夢未安到家夏比出門難已無負郭能栽秫
生怕當門尚種蘭社燕分飛波一翦檣烏飢噪日三竿
他年土偶桃人語重憶江河路渺漫

原作

同邑

黃

瓚今名河瑞

家居滄海水雲邊
遠道相思最縵綿
久矣欲歸無再計
偶狀話別已三年
飛飛鴻雁何時定
草草風塵祇自憐
寄語故鄉諸舊侶
近來心事不如前

花枝駭綠藥
紛紅榮謝年
華景不同駒
過無心常緩
緩螻來有夢
故恩恩
勿觀我亦爲
樵客
往事何須問
塞翁况是水
邊蒲柳質
飄零未敢怨
秋風

天涯何處稻梁肥
回首南園長蕨薇
前路江湖仍滿地
當時兒女但牽衣
新栽脩竹難成蔭
舊種垂楊已合圍
珍重故人相問訊
牡丹落盡寫芳菲

余家南園牡丹極盛

每歲花時集諸

同人吟賞其下

非關無累一身輕
漸覺年來意氣平
檐雀歸巢飢自語
庭槐落葉夢無情
卽看秋老繁華盡
都爲春濃變幻生
最憶小時遊戲處
海棠樹下笑嚙聲

不把華詞作頌揚
祇餘情款贈秋光
試將諺語時尋繹
但覺悲歌太激昂
世外如來空色相
閒中居士最清涼
昨宵夢見佳山水
醒後猶聞草木香

三千里外問平安
擬答家書下筆難
畫史胷中先有竹
騷人賦裏只生蘭
偶彈客座思歸缺
欲話童時舊釣竿
碧水丹山何處是
一窗燈火夜漫漫

贈李惕齋孝廉 玉衡

鬚髯如戟面如田橫稍詩篇萬口傳才大費禪能辦賊

君以獲賊功

恩賜舉人

優旨有能知大義語

書成郭璞勝遊仙

兼善青鳥術

毛

錐鋒避三千客古瑟聲希十二絃我未從君投筆去磨

厓畱與勒燕狀

夾馬營懷古二首

按宋太祖生洛陽夾馬營今武城亦有夾馬營土人指爲香孩

兒降生處舟過其地作詩弔之不暇辨地志也

都亭飲餞不多時扶醉揚鞭統六師少帝朝廷尊檢點

中原父老識孩兒荒唐飛語黃袍在倉卒軍聲白羽麾

可惜史臣非石勒不將曹馬與同辭

北漢南唐盡版圖長城何必鎮扶蘇但聞母后傳遺詔
可柰先君問藐孤趙普有書忘骨肉韓通無傳惜頭顱
佗年抱向匡山去地下慚逢陸秀夫

驛柳用舒鐵雲韻同疏蕪作四首

殘衫破帽打包行青眼相看一種情金縷向來歌別曲
玉闕此去問郵程泥沾飛絮春無蹟墨點棲鴉畫有聲
慘綠輭紅如夢過年年津吏與逢迎

飄零蓬顆復萍根回首天涯歲月奔大道旌麾臨水店
小蠻絃索傷花柳曉風殘月難成醉短驛長簿各斷魂
況有江潭搖落感餞春時節別東門

遊絲不肖繫垂絲一唱斑駁路便歧搖作珊鞭揮淚去
折殘玉手送行時秋蟬無賴黍蕭瑟風篴多情管別離
迢遞陌頭何處望江南烏夜正相思

在說東風汁染衣行疎楫斷不成圍涼陰丘埃殘兵臥
落葉長隄病馬歸隴首書來雲黯澹渭城酒醒夢依稀
劇憐此樹婆娑甚多少行人怨落暉

無題用彭甘亭韻同秣薌少沂作八首

蛤帳紅羅啟玉裝瑤田和雪采仙芝內家消息傳樊嫵
嬌女才華勝左思脩到梅花生此日竊來靈藥悔當時
春寒南浦滿裙早萍洛蘭泉凍未澌

一樹枇杷晝掩關，淚痕清灑竹斑斑。朱絲錦瑟分明在，
碧漢紅牆縹緲間。鳳紙閒裁中嶺曲，鳩媒愁上望夫山。
榴花細蹙荷花淺，兩兩同心約指環。

玉樓瓊宇敞層層，下界回風未可登。石綠秋涼黏廣袂，
海紅春淺換宮綾。香生荳蔻纖纖月，花照菖蒲夜夜鐙。
著色屏風周昉畫，不曾真箇已難勝。

絮影模糊雪影銷，漢宮顏色楚宮腰。鯉魚食譜烹紅尾，
鳳子釵梁挂綠么。木葉層波舉杜若，畫簾微雨聽芭蕉。
簸錢鬪草聽明甚，一握牙籌抵百驍。

黃篋船窗掩絳紗，過江打槳卽天涯。細敲玉杵求漿客，

低叩瑤簪賣餅家
油幕青刪書帶草
粉垣紅煞馬纓花
胡麻半响炊難熟
躍出壺中日已斜

懷裏餘香漬衍波
伯勞燕子等閒過
盤中詩比回文少
子夜人如讀曲多
瑋瑋虛將鹽作餌
蝦蟇高占月爲窩
當時縱有黃衫客
持較紅綃定若何

緩緩歸來陌上途
山頭依舊采蘼蕪
機絲翦響陪黃媪
蠟淚香心拜紫姑
仙珮玲瓏搖洛浦
脩眉遠近盼成都
六州一鑄剛成錯
黃土重搏事有無

明珠一琲散圓勻
玉女窗開別館春
字蹟親題楊妹子
畫簌誰訊費宮人
偶經北里醒難醉
想到南柯夢亦真

同是拈花成小謫，幾曾微笑但含顰。

有題壘前韻八首

廣額元綃織素蕤，似聞阿母喚蘭芝。青荷作鏡無光采，紫玉成煙有夢思。楚岫雲低殘雪後，吳歌聲斷晚風時。碧城十二回頭近，一水鱗鱗解凍澌。

綠波畫爨掩重關，雲母簾櫳碾粉斑。味俊魚羹鹹淡外，脂勻獺髓有無間。玉壺夜醉瀟瀟雨，石黛春橫點點山。十丈紅蔷愁刺手，隔窗消息叩連環。

航樓香霧暈千層，問訊飛瓊有路登。歷綫人間拋白紵，解圍客去卷青綾。私描粉絹屏山硯，斜射雲鬟水閣燈。

證取前緣香火在慧心綺語兩難勝

別鵲離鸞恨未銷章臺忍與鬪纖腰
凌波素舄三千拜
泣露紅心十八么萍果前生風裏絮
蘭期昨夜夢中蕉
六張五角蹉跎甚玉女何時擲一驍

天寒翠裊薄於紗蘆荻蕭蕭水一涯
三變芙蓉愁卓女
雙棲瑋瑁話盧家淚拋帝子紅絲瑟
鬢插天孫素柰花
讀罷蛾眉金贖傳闌風細雨正橫斜

靈脩脈脈託微波花底秦宮十日過
甘蔗漿寒効出好
女蘿絲弱寄生多月輪顧兔營三窟
雪窖春蟄一窩
癡絕逢人頻說項虞兮飄泊柰愁何

蘋末回風滯客途秦郵野樹接平蕪亂跳白雨求龍女
獨宿青谿傍小姑蓮子根深沈弱水桃花核小盼元都
無端折盡淮陰柳相對魂銷一語無

馱鈴風鐸響圓勻夢斷瑤京紫陌春蔡女青笳悲故壻
茂漪斑管學夫人黃楊度厄名成識青鳥傳言聽未真
一掬江東昭諫淚爲儂憔悴爲卿舉

重有題再疊前韻八首

玉清宮闕鎖菱蕤換骨神仙采朮芝繡佛絲多輸孟顛
量才石小費陳思霜稜秋隼盤弓後雪繭春蠶上箔時
手織雲裳宮錦豔銀潢清淺渡流澌

魚鱗淡沈畫掩關銀鈎湘管寫班班誰憐東摺西揖客
都在南轅北轍間喪底功名三歲字壺中邱壑九華山
石花餘唾生珠玉隔著天風聽佩環

蜂房戶限一層層寶筏仙航有路登鸚鵡賦成呵采筆
臙脂畫就試宮綾夢吞丹篆長生籙魂斷紅膏續命燈
清絕玉皇香案吏冰銜瓊骨恐難勝

眉圖十樣各魂銷高髻何曾及細腰笳鼓將軍麾白羽
琵琶老女泣紅么殘根飄泊泥中絮敗葉郎當雪裏蕉
頃刻妙蓮花世界圍碁一劫箭雙驍

班姬團扇越谿紗縹緲山椒隔水涯鮑老登場還我輩

周郎顧曲又誰家白頭舊夢題圓月藍尾殘春數落花
惆悵大羅天尺五鄧林一擲日西斜

吹皺春池水不波空花宿霧眼前過新妝西子含顰少
故事南華悔讀多蠹粉豔銷紅勒帛螺煙濃染翠雲窩
逍遙梵字樓楣上偷譜霓裳柰爾何

轅駒局趣困長途回首江皋長綠燕笑口胡盧逢玉女
聘錢羞澀貰黃姑三年顏色曾窺里半世樊籬尙鍊都
吟漏夜珠明月句婉兒玉尺有還無

泥緘密寫錦書勻了卻悲秋便惱春出塞重歌前後曲
看花閒笑往來人一條絃柱王摩詰十丈雲梯賀季真

聽鏡卜釵消息遠絲絲楊柳可憐顰

臨清舟中雜詩和秣薊兼示陰菊泉

紹衍

十二首

塢鈴無語水東流人比萍花不自由
兩度篷窗看明鏡
上弦月子又如鉤

木版羅羅石齒環
牖門消息抵重關
歸裝除是愁難稅
拌爲麗官一破慳

短轅長柄打成幫
十丈驚濤拍水窗
瓜蔓潮黍豆花雨
漲痕又沒昨宵椿

雲水空濛望未眞
不分龍爪與魚鱗
瓣香愁拜漳神廟

燒尾歸來又一巡

河有巨魚見州北門漳神廟側
兼有二龍見西南隅皆水微也

泥車鐵爪搏黃土，豆葉蘆苗覆碧隄。正是客情無著處，
草根絡繹盡情噓。

赤腳黃頭費挽牽，沿隄鼓柁各喧闐。誰知巨組長檣裏，
有箇米家書畫船。

印人傳裏頻搜輯，觀石錄中費較量。莫笑王恭無長物，
紅泥淡壓碧筠箱。

姑妄言之姑妄聽，夜淡鬼眼閃燈青。近來學得齊東語，
手註公羊一卷經。

渠儂語作吳音慣，郎罷聲從閩囡翻。我載草元亭畔酒，
拌將奇字換方言。

碧杜紅蘅絕妙詞自裁黃絹寫烏絲惜無十五蘭舟女
低唱松陵倡和詩

天涯日日看刀鏤別緒如雲不可刪何似峭颿彭澤縣
一鉤眉黛小姑山

雙星情緒隔微波一抹秋雲織絳羅今夜酒醒何處宿
潞河南去是漳河

舵樓乞巧詞

采蓮歌罷秋蕖病隔水菱花照明鏡碧綃涼卷鯉魚風
六柱篷窗雙蕖凭盈盈十五弄潮兒東舫西船少別離
載得桃根渡江去水精眠夢易相思釵梁末麗吹翻馥

畫屏人影搖殘燭。篙師未醒客初眠。私語喁喁夜淡祝。
瓜棱手破碧玉瓶。蘋婆果綠林檎青。護花不識風姨妬。
搗藥能偷月。効靈磁盒雙盛紅。蟾子脈脈跂跂何所似。
新樣翻成鳳錦窠。慧心織出魚紋紙。人間巧拙亦因緣。
何處風波不可憐。淮水愁生囉噴曲。江州淚溼琵琶入。
絃癡牛駮女銀潢。近浮家泛宅無人問。但羨鴛鴦莫作
仙。祇愁烏鵲難填恨。別有江南唱柳枝。官河畫舫盼歸
期。一篇乞巧文。遙寄腸斷吳興沈亞之。

神魚行

神龍見首不見尾。大魚見風不見水。人不見風但見魚。

十丈軒狀大波起漳河東走奔陸隴傳聞有物巢其中
出雲見怪不可狀沿隄廟食如坊庸海鱸伎倆倏狡獪
入穴則吉出穴凶是時雲黑斜陽紅黃泉碧落垂雙龍
龍皮作扇魚背篷上下一氣蟠長虹三十六鱗頃刻化
爲千萬億一鱗一朵金芙蓉帝旁玉女嚇嚇笑不止手
撒白雨聲摩空陽坪豆子一丈五牖門三版橫艤舳我
聞歷陽都老嫗去後反作湖又聞淮渦水青獮躍出形
模糊江神倔強戰太守河伯譎誑憑邨巫魚乎魚乎曷
不乘風激浪日徙一萬里任女南池北漳東蓬壺柰何
鬱鬱久居此尾大不掉相齟齬而況吾儕暴鯁點額不

得上附舟假道來須臾豈意逢君小作劇陸沈水厄一
劫迷津途我無澹臺舟中璧又無璧社湖中珠何爲磨
牙吐沫試遊戲有類大蛇當道虎負嵎我欲拔劍舞惜
非周孝侯我欲爲文祭又非韓潮州豈惟我非古人比
爾亦神通變化勿與毒鰐癡蛟儔舟人搖手戒我勿多
語是以喜怒爲恩仇紙錢索索飯顆浮靈風畫卷瓠宮
秋州官拜跪喧前騶羊一豕一投濁流巨口出水高岑
樓吁嗟吞舟如吞鉤

東澇行

去年山東秋澇淡八月以往成靈霖高田溲淖沒踝骨

低田窪水如釜鬻梁薪未熟豆其爛溝中有瘠突不黔
兩石穀舂五斗米賣婦得食無衣衾寒威飢餓各一劫
須臾稍緩爭分陰我來策蹇齊南道層冰踏碎春融早
帶水拖泥一縷隄東風二月無青草殷哭聲從馬首來
投以百錢三匝繞州吏誰歌元結詩山川難畫監門橐
雙輪四角馬不前牽挽費力兼費錢道旁茅店揖客入
一鐙垂穗寒無煙主人問客來何暮得非陷淖旋泥故
主人三歎客亦愁行路之難何足數聞道燕南趙北間
十日賑災勝大酺以灰止水想亦奇以民就粟事難訴
恨無十萬腰纏纒生者拯之死者賙客程蹤蹟如擲沙

又從四月辭京華舍車而舟順迂枉幸免觸目成咨嗟
潞河五月麥作芽衛河六月縣生花梁蕪漸長豆萁短
雜以玉黍兼胡麻飢腸輓轡且復忍今年望比前年奢
七月朔日漳河泊沿隄十萬居民譁蕘籠棵裡雜頰稚
鐵爪白木長鴉又鄉人防水抵防寇焚柴伐楫夜濙守
三日以後官符來蹴躡老兵坐相救魚龍怒挾驚濤飛
風雨荒荒暗白晝百里之遙三潰圍倒挽天河衝急湏
不信螺桑頃刻間如此相煎亦太驟我船久泊無歸期
鄉城纍纍多瘡痍扣舷索米日百計宿春散盡忘朝飢
叶嗟乎大東小東連歲荒居憂積倉行憂糧鳩形鵠面

延喘息勘災先欲籌河防當關僕隸猛如虎市僧朝歛
貪如狼御車操舟氛尤惡形與疾狗同披猖聚而殲旃
誠非虐此意呼吸通冥蒼柰何波及徧邨里有類玉石
炎崑岡君不見西邨老翁右臂折軍旅饑饉從頭說又
不見西邨小兒襁褓來刀兵水火初輪迴八十曰耄七
年悼若輩窮民苦無告一聲河滿雙淚流匝月篷窗看
秋澇

訪眇山人故里

不將纓笏換山林巨眼文章隻眼尋少日交遊名士習
暮年詞曲美人心猪肝累少逢迎易牛耳盟寒感慨深

白雪高樓應咫尺羅裙典後亦銷沈

題少沂畫冊四首

萼綠華來比藐姑天寒翠襲倩人扶不知金谷量珠後
尚有樓東一斛無

綠梅

空谷佳人豔綺春朱絃彈出最銷魂江邊一帶紅心草
猶是湘娥血淚痕

紅蘭

紙帳無溫換絳紗仙人昨夜醉流霞最宜九九銷寒日
多買臙脂畫此花

紅梅

猗蘭一曲有知音碧杜洲邊緣綺琴寄與淡閨畫眉筆

雙鉤石黛寫同心

綠蘭少沂夫人素
三女史亦工畫蘭

泊舟河隄偶訪野寺

煨芋齋廚宿火紅苔龕長被白雲封
塙鈴響雨怖飛鶴檜鬣當風吟病龍
遊客獨尋秋草碣殘僧自打夕陽鐘
月明儻有花之夢鴻爪天涯記此蹤

臨清舊北門作

夕陽紅弔戰場魂一片清漳水北門
細草殘甌秋潦外亂蟲嘍徧舊城根

南旺道中

雙湖明鏡寫秋光一抹遙山夕照黃
行盡荷花三百里野風吹上布帆香

任城晤金華應繡村孝廉

宗培

招飲醉後贈之

畸人身著紫綺裘邀我直上太白之酒樓酒樓突兀一

千載金波

濟州酒名

穆穆長河流跳上岸來大歡喜十年別

夢銷煩惱座中八仙各招手擎杯奉客如擎甌玉壺買

春春不售金貂換酒酒可謀手持鷓鴣杓踢翻鸚鵡洲

生不願封萬戶侯亦不願一識韓荊州但願五百斛酒

載一舟四時鮮果實兩頭與其爲韋上黨之客不如爲

石曼卿之囚與其爲死埋陶家之鄭不如爲醉死偃埋

之劉淳于一石樂莫樂中山千日愁莫愁雛姬十五揚

清謳當鑪一曲彈箏篴如此不飲良可惜哀蟬落葉聲

啾啾前年別君在春杪今年逢君在清秋
鬢髮者自沈浮者浮既不能清平三章奏天子又不
能金錢百萬供遨遊騎鯨客去酒樓在醞雞無數成蜉
蝣如此不飲良可惜再飲百榼方歸休
旁人白眼勸止酒我乃酒狂毋相仇
狂花病葉我自好露髮跣足君無
尤糟中之肉夏堅久腹中之鎗非贅疣
君不見孔子百觚量能受彌勒米汁性所投
聖賢仙佛各好飲豈有飲
蟹兼飲牛女毋多言非女及速爲我輩營糟耶

邳州舟次中秋

百五光陰三五秋
四千餘里滯歸舟
多情今夜天邊月

照到江南第一州

題少沂聽泉圖卽以贈別

在山泉水清出山泉水濁水清水濁不在山清斯濯纓
濁斯足伊人本住秋水園蒹葭兩岸霜前綠梅花十萬
香繞廬三分水外一分屋讀破南華經細和滄浪曲但
聽泉聲瀉碧虛小如濺珠大戛玉如是聞根清淨福乃
知聽絲不如竹聽竹不如肉彈出琴絃聲洗盡箏琵琶
初聽攤飯眠再聽攤書讀又何必龍掀之巖與夫匡廬
之瀑而胡自製遠遊冠乞與故人祿手中一筆畫書詩
腳底雙輪輻輳與君遇北地難租往而復與君附南

本朝詩集卷之八
三
船畫鷁飛以伏山中桂樹花欲秋終朔采藍不盈翁歸
哉歸哉歸聽泉窈窕佳人盼空谷我亦白水盟還臥青
山麓我家江南君閩南送君一路郵籤促不如聽水夏
聽風且共篷窗今夜宿

淮陰秋柳詞六首

依狀楊柳村相思又是涼秋八月時寄語淮陰各年少
近來綠鬢已如絲

官驛蕭疎傷水溥扁舟怕夏泊淮陰舊時攀折痕猶在
冶葉倡條不可尋

公路浦前水逆流晚湖一夜過秦郵沿隄多少銷魂樹

賸與西風縮別愁

十里山亭五里庵
數枝搖落帶江潭
樓鴉流水無情畫
不信淮南似漢南

避鴻踰燕各南飛
板浦隋隄景物非
唱罷春風金縷曲
杜秋紅淚滿羅衣

秋雨秋風八月濤
淒涼故宅問枚臯
傷心詞賦梁園客
猶著春前慘綠袍

題盛硯巢

鋪

榕陰索句圖

擘盡吟箋燕瓣香
嶺南詩派最蒼涼
四山蠻雨枕榔樹
一角蠻花牡蠣牆
遊夢至今思海嶠
秋心依舊老江鄉

與君落木庵中話又累巴童掃葉忙

哭朱雪巖姊壻六首

風雪淞南道怱怱餞去船離歌人日酒噩夢鬼星天幸

未三年別還餘一面緣暫歸真似客臥榻話纏綿

北上市日君

餞飲於淞南草堂歸經崧浦往候起居君已臥病矣

急足傳書至開緘賦更疑膏肓有此變幻不多時量

藥我猶慣燎鬚君不知商量諸羯末各自愧良醫

伯姊書來

道君疾亟攜同梅心之兩弟往視已不可爲矣

情話中年感碑陰鑿臼猜解圍分道韉作事問文開一

劫殘碁局千言濁酒杯寢門今慟哭夏爲女嬰哀

無母嗟何恃時余尙六齡同懷惟姊弟相對各伶仃碎

鏡飛烏鵲荒原泣鵲鴿十年婚嫁了骨肉半凋零

先母胡

太孺人見背今母吳太孺人未歸時吾姊九齡余僅

六齡皆蒙伯母毛太孺人撫字迨吾姊于歸余亦授

室僅及數年伯母及先府君相繼

棄養撫今追昔不自知第之何從也

樛木漢恩在旁生甘蔗枝鋤如何無忌我豈鄭鮮之恤

緯篝燈夜寒蘿補屋時最憐韋逞母辛苦作經師

重醉黃壚酒蒼茫百感淡塵埋劉昞席絃冷阮瞻琴生

死嬰家難飢寒偪歲稔淒涼履霜操應作輓歌吟

君所遭家

難十倍

歲暮漫興八首

出門無計且歸休一唱風波動客愁
草草關津閒過夏
寥寥歌哭各悲秋浮雲西北橫千里
澤國東南半九州
媿我已無田負郭仰天空作杞人憂

水厄茫茫盡可憐十旬風雨斷人煙
山窮慘絕號胥井
媧石虛聞補漏天滄海揚波愁此地
恆河浩劫到今年
蕭條郡縣無南北豈有人間燕子田

百萬膏腴卷白波洪荒未闢想如何
新絲尙盼蠶分繭
舊穀先驚米化螺海岸霜枯鴻雁少
湖田潮上鯽魚多
誰人飽噉侏儒粟細讀春陵刺史歌

繡豸金魚白面郎上書先救眼前瘡
咄嗟莫辦都亭粥

次第須籌佛寺糧豈有移民學河內祗愁晚粟竭荆襄
朝廷赤子無區別過糴官符孰主張

宰官說法費尋搜紅貼朱封一例收姓氏已登點將錄
頭銜誰是富民侯十場估價鴻溝判六鎮生靈雁戶愁
寄語羣公須努力一生難了此恩讐

水驛迢迢舊路迷記從燕趙過青齊千艘量減江淮漕
一綫孤懸海澨隄秋潦直連山左右颺風又報浙東西
但脩食貨河渠志倉粟由來爛似泥

三江水利重三吳巨浸蒼茫洩太湖宣歙山泉齊北注
淞婁潮汐獨東趨虞潭廢壘攔沙阜郊亶橫塘稅荻蘆

安得繩量江面闊
芍陂門堰舊規模

典盡征衣卒歲難
連朝風雪又冬殘
枯魚有淚求潄水
凍雀無聲立紇干
木屑驟增樵客價
草根狂嚼腐儒餐
春來依舊團團月
照徧流亡不忍看

桂畱山房詩集卷七終

桂畱山房詩集卷八

寶山沈學淵夢塘

投械歸農圖爲陳雨亭總戎

階平作

戈船下瀨屏江東將軍今日居元戎
蹇驢薄笨緩銜轡將軍昔日爲
循吏圖書衣被負囊行將軍平日如
書生丹青引中無敵手儒將翩翩古
來有惜無人讀屯田書十萬戍兵編
戶口將軍當日官胸山牢盆搜剔無
容奸海濱何來惡年少石花濃染雕
青瘢公私竈穴聚羣蟻乘潮直上雲
梯關縱之不可止殺之惟有死可憐
階下囚纍纍皆赤子將軍淑問如臯
陶問女輩何不畋爾田

宅爾宅乃爲罪人淵藪相通逃我分節鉞來我最善擒
捕我能上馬殺賊又能下馬作露布惟念女輩蚩蚩氓
使女青天撥雲霧我有一篇諭蜀文女且讀之毋自悞
女苦不識字爲女分章句女尙未分明爲女作轉注女
且聽之毋自斃諸囚相顧各自羞一時涕泣聲啾啾女
今棄女戟捐女矛賣女劍買女牛三章之法爲女約四
民之業爲女謀諸囚相顧各自喜一時拜舞應唯唯秦
東門外海天空回首昨非今日是黃皮袴換繡襦襜將
軍不作軍中裝按部畫長營柳細課農雨歇野花香瀛
壖嬾孺都生感瓊瑜簫鼓邨邨演畏他岸虎勝龍驤化

我林臬說仇覽將軍官武如官文桑麻影裏開軍屯將
軍好文如好武競病聲中聽笳鼓元戎羽葆識艤艦橫
粟詩篇表海風許我書生揖嚴武爲君循吏傳去文翁

吳淞口觀水師演礮歌

鏡歌曉挂樽桑弓老蠟晝瞰馮夷宮蛇矛丈八不得試
將軍上策惟火攻連營海濞首尾應礮臺突兀東江東
吳淞中且最扼要水犀戰手千艤艦佛郎機法烏背木
怒雷百里奔谿瀧三年大府一巡海五隊健兒明甲鎧
樓船將帥舳艫侯太船若干小船倍千聲邪許鐵碇浮
石卵鉛丸裝碓礪軍門畫角迎風吹材官手掣紅旗麾

大船峩峩左右翼小船三匝輕如飛須臾旋宮八十一
中央四角無端倪青天一聲摧霹靂萬眾昂頭望洋立
叶三聲兩聲天地搖轟轟驚醒掀波逃千聲萬聲一時
避人聲不聞鼓聲定但聞焯焯擘擘響偏天但見雜雜
拉拉燒雲煙既縱赤壁火復控錢塘弦流黃香滌腥蛟
涎鯨魚頰尾龍鬚燃海潮涌沸如溫泉簪花將弁坐江
口士卒騰歡勞牛酒 國家演武非觀兵安不忘危慎
封守嗚呼海氛小醜何時無記曾夜火驚荏蒲
嘉慶庚申辛酉
事其時倉卒練守禦召募兼及市井徒廣雲三百力不
舉藥囊火逸燔肌膚賊船離岸僅一里以礮擊賊賊轉

喜高者倏過桅檣巔低者橫絙沙泥菁賊用法攻我
師洞徹牆垣薄於紙直待官軍訓練成一試再試技益
精賊船仰攻勢不敵煙銷電掣波濤平咄嗟此法誰所
造其至爾力其中巧范蠡蜚石機栝疎郝昭磨石衝車
少海鱸船賦製不傳蒺藜棱棱火毬小何如膨脝碩腹
王將軍耳聾三日一炬焚六州鑄鐵鐵有神眾手淬藥
徐夫人惜哉不過丁千斤

丁千斤明嘉靖間
以禦倭著名者

劉家河訪海運故道歌

嗚呼有元百年作事不可料國計乃付兩海盜海盜以
海爲寢食溺鬼啾啾溺人笑出奇請上海運圖海瑞船

廠千舳艦揚颿劉家港落颿丁字沽白洋瀆洞黑水惡
長風破浪如康衢初漕四萬石嘖嘖詫奇策繼漕千萬
強神倉赴絡繹明初遼餉北平糧碣石之采訪遺蹟鳴
呼古來漕粟無兩是予之角者去其齒河運勞且遲海
運逸而駛勞者費不貲逸者勢難恃獨不見蓬萊鮫魚
大如山明鐙射眼雙龍蟠梢公失色颺母嘯性命不直
青銅錢一夫航海舉家泣大哉王言弗可及但穿匆徑
備不虞豈若富家治宮室瓊山邳文臨海王襄裕皆名
臣空言實禍徒紛紛我家季明莊濬宗沐最諳練惜又末
廷揚

迺下遭迤至今浮海尋故道側身東望成山島嶼門礁

淺路依狀獨有風波不可保存此一說勿細論霸上棘
門休草草嗚呼婁江水淺劉河淤鰕生欲獻芻蕘愚且
脩今日河渠志再讀當年海運書

枇杷聯句

薰風煽園林

夢塘沈學淵

果樹綴鬱蒨作花凌霜寒

葦

泉侯落

飄香破霧滃秋白剖甘酸

酢梨一名秋白
寄春徐汝枚

冬青

競萋萃鑄彈懸金丸

小昆周兆魚

鍊液醅銀汞宜都土

宜宜

同梅沈學焯

洞庭山洞洞擷新野衲嘗

部山沈學

培

巡邏園官董入市傾筠籃

夢塘

餉客封斗桶水浮白

蚤缸

葦泉

鞍壓青絲籠蒲萄或賜陳

寄春

楊梅能對孔

沈李報瓊瑤小昆戰瓜拭鞞琤蠟兄冠其曹同梅麤客

愿而侗皮裹雞心圖部山漿含馬乳桐蒂分凹凸平夢

糖核聚兩三總孽肌露噴岬菴泉隔膜剔蚌幪儘可右

手持寄春不患左車動殘顆含來禽小昆蛀屑蝕飛蠓

龍眼睽不明同梅驢耳毛猶鬣絲絲刻楮成部山棱棱

梵貝啖綠蕤細垂條夢塘盧橘誤鑿空貢豈入匱包菴

泉稅非納秭穠閉門萬里居寄春簪花雙手攏名許借

檀槽小昆曲定唱囉噴柵房紅鞞鞞同梅蒲葑碧峯峯

橘栗桃李梅部山聯吟太倥傯夢塘

角黍聯句

酒闌呼點心

寄春

盤飧恣飽噉
黍合龠增同梅
聚米

山谷坎酥堆白雪瑩

部山

籩煮碧雲豔
簾製菱菱

如

選葉裹葭
瓜枝銳於錐

小昆

色絲綴若紉
嶄然露

崢嶸

葉泉

卅兮拂髦髻
倚角姑舍旃

寄春

折角我仍敢

撈之巨獲湯

同梅

漉以淡蒲醢
錦襖剝蝦蟇

部山

花跌

拆菡萏

吳俗裹櫻作弓鞋狀謂之金蓮櫻

瓊膏三白融

夢塘

米樣二紅

糝殼粘栗粉乾

小昆

核帶棗泥嵌
貫索玲瓏穿

葉泉

切

玉瑕瑜拚卵鹽撒未勻

寄春

蔗糖蘸猶澹
落莢堆棱棱

同梅

糝一名不落莢見戒庵漫筆

舐觴味醅醅

諺云前人喫糝後人張弱

飯非雙手

搏部山 儘有眾聲喧

吾鄉時秧時儘耕例以糝于

俚語辨釋名

夢塘

粧妝資博覽每歌楚些詞小昆重為汨羅慘棟葉揉粉

翻藁泉竹筒弔願願水嬉倚采旄寄春邨劇貼花毯攬

噬防蛟螭同梅施布雜糜糲相沿始何時部山每食重

有感饋貧糧充腸夢塘益智藥壯膽果核兼楊梅楊梅

事物原始小昆嗜好異昌歌邨邨搏黍嘯藁泉糯苗方吐蒼

寄春

石首魚聯句

魚魚結隊來小昆一網竟打盡放船候山礁夢塘聽水

截竹箇腥風海市喧同梅細雨江颿引搏雪方瑳瑳藁

泉鑿冰已嶙嶙朝潮購買胡部山午饌獻關尹嘗鮮一

味甘寄春論價千錢允藉茅尾不遺小昆貫柳鼻生糾

狀比梅頭雄夢塘信與棟花準當其罕而珍同梅我則

窮且忍市直屢評量菘泉山廚耐嘲哂貴方爭鱗鱗部

山賤或等蝮蚓但須論斗量寄春詎惜傾囊窘黃排鱗

次乾小昆紅入鰓邊殞腦空瘡夏肥夢塘腹果牡猜化

調羹配新菰同梅斫鱸拾殘筍腥涎滌花椒菘泉腴汁

漉松菌持齋尙貪饕部山佛家謂菩薩魚持齋者仍食停箸猶舐吮鰓

抵虎鯊黏寄春肉較牙鱸緊雙顱石枕銜小昆兩點玉

函纈充耳垂明璫夢塘鏤骨嵌瑤軫柱定敵江珧同梅

珠應剖海蟹何如曝鱖魚菘泉勿復化禽隼張勃吳錄

婁縣石首

魚至秋化爲冠鬼

封鮓寄謁鱗

部山

艇祭比膳脹敵帷我尙存

寄春

頓頓自矛盾

小昆

吳俗貴此魚嘗新時不惜貴價故有典帳買黃魚之諺蓋俗呼此

爲黃魚云

相逢行贈祝子常徵君

百十

季仙九學正

芝昌

往者嘗聞陸弟云

謂萊臧

我於澄江獲三友聯牀接席者

夏君

謂梳

其他季子及祝叟背誦三君文瀾翻脫諸口

兼述三君言指畫繪以手君山縹緲滄江濱愛而不見

但搔首輒紅十丈杏花亂飛潞河漲雨檣燕南歸夏君

同載四閱月嬉春過夏悲秋時我詫夏君才一時定無

兩夏君曰否否君何見不廣君獨不見祝叟之文章如

江濤之噌吰又如羣山之蒼莽又不見季子之詞賦如玉女之瓊琚又如仙人之羽旆我聽夏君言重憶陸弟語所見良不誣所聞益可許歸來鑄黃金錯刀不入市歸來繡青絲錦段薄於紙眼中寸鐵五千年案上尺書

三百里

子游以書來招

泊舟黃歇浦外訪客青楊巷中五色雲

起東海東今日何日歌相逢祝叟頤而長磊砢扶喬松
季子頗有鬚鬢馥擷芙蓉張南周北十步外青天蕩蕩
江城大借手難尋溫八义低頭願作方三拜與君相逢
日贈君相逢詩人亦不必舊相識樂亦不在新相知天
祿徵君黃叔度國子先生韓退之鼠肝雞肋瑣碎不足

述蓼蟲桂蠹辛苦安得辭蝨蟬江珧多食發風氣小魚
蟻蠹所得不療飢五石之弓印懸肘不如醉我以一石
之酒萬石之門車如雷不如贈君以一石之才念子青
玉案要我黃金臺相逢相珍重相別相裴哀朱顏白髮
各自保雲車風馬飛塵埃讀我相逢行牙曠覓同調相
逢易相別感喟雜譚笑岸上歌翻小海詞雲端響徹蘇
門嘯惜少江東陸弟書兩載懷人隔閩嶠

子滂別駕招同祝子常徵君李申耆太史

兆洛喬

雲客廣文

普

夏稊薌孝廉季仙九學正劉春江秀

才濟祝寶飈

三尹

登輝

及令弟子蒼上舍

以震集

蘭脩吟館卽席分韻得與字

人生貴相知相知輒相許所許在心期澀狀忘爾汝青
楊蕭脊巷分箋命儔侶別顏訝昔容促膝款情語座中
集羣彥英華各含咀炎官方司權火緞炳若炬密雲籠
小畜仁風扇大暑角巾墊竹筓野服脫桑苧鍛竈涼棚
移椽鑪活火煮清言玉霏屑颺興雲千呂新詩篋衍藏
騰句奚囊貯摩壘推曹劉狎盟爭晉楚誰張織女機我
刻宋人楮碁局中心平酒兵左右拒腹熨何乃淘拇戰
不可禦縱橫舞蔗竿狡獪鬪金距欲去姑徐徐旣醉困
圍圍瓜事溯南皮蘭芬懷北渚每徵息壤言屢被風塵

阻彥會喜偶逢裏言罄夙緒但惜勞燕飛不如鴻鵠舉
樓指排歸期勢難久延佇暫醉習家池長憶謝公墅斜
日下江皋停雲鬱海嶼盈盈四百里相思縹何所儻有
夜航船檣酒乞寄與

題子滂雲蘿詩夢圖次申耆太史韻三首

唐韻先仙寫彩鸞金徽聲喚縹箋寒十年湖海人非昔
三月鶯花夢易殘白舫浮家狂酒客青山繞郭舊詩壇
我來未敢傷寥落法護僧彌有二難

官廨蕭疎帶薜蘿霓裳小隊謫仙多題襟墨褪殘衫浣
繡壁苔澗故劒磨努力音書無恙在銷魂詞賦不堪哦

分明一夜天涯感落月空梁醒睡魔

停雲一角縵長空詩到多情畫亦工山館秋涼燈影外
江樓春老篴聲中買田君有居陽羨賃廡人都戀伯通
我是江湖頻載酒蕭翹風雨感懷同

兩雨天香曲爲仙九作

仙九新構一椽庭植桂兩株牡丹兩本共夫人

王伯穎氏

甥植

倡和其中勑曰兩雨天香詩屋

爲賦此篇

花神小語私喁喁靈香謫下瓊華宮廣寒桂子撒如豆
豆花開出雙雙紅夙世常儀伴吳質青天碧海匏瓜匹

人間豔福幾生脩夢中兩管生花筆秋花芬馥春花嬌
衣上濃薰雲外飄招隱賦鈔金粟紙清平曲和紫瓊簫
護花金鈴脩月斧闌干錄曲圍廊廡清貴惟應倚竹看
蕭疎大似舉蘿補親排密字寫珍珠竝坐垂簾玉不如
江上畫簾臨本草山中別業暑凡夫雙聲詩譜彈瑤瑟
拈花人在散花室但羨鴛鴦夏作仙莫教鸚鵡同參佛
近聞伯穎夫
大長齋繡佛花花相對葉相當我有調言奏綠章芍藥
有情閒抱恨海棠雖好不聞香桂枝折後辭孤嶺薇紫
藤青開畫省鬧杏年華朱子京妻梅眷屬林和靖東方
千騎唱前騶一朶紅雲捧玉樓彤史親題花九錫夫人

國色壻封侯

次韻酬劉春江二首

十日聯牀話蘭緣一室芬交遊數咸籍

謂大阮
弦齋

詞賦偏

淵雲敢共騷壇賭惟將酒壘分醉餘狂舞劍隱隱起龍

文

燿盞烹新葍長畱齒頰芬嫩抽陽羨雨香裏善卷雲

以君

陽羨襟
見倘

水淡能千古詩清到十分迎陵今不見珍重感

斯文

觀趙蘊山上舍

狀

所藏楊忠愍公畫象

磁鋒剗肉獄吏駭鐙顛團扉色不改鬚眉直偏冰霜棱

鐵骨丹心照千載一疏五謬十不可再疏五奸十大罪
想見披衣削草時目暝鬢突精神在曾拜公象瞻公祠
四十狀貌清且羸生綃一幅此誰畫白髮種種微生髭
始知忠臣慣憂國早衰乃在松柏枝鈴山十年養望者
定復方面兼豐頤焚香再拜付一慟嗚鴉爲鸞鶴鴉鳳
鸞鳥已死鳳鳥生銜出爰書黯如夢三千二百卷冊全
名畫過眼成雲煙嚴氏籍沒時古名畫三千二百
卷冊見王弇州朝野異聞錄獨留
尺絹寫公象太虛浩氣相周旋我欲懸公遺象酌公酒
醉出居庸關北口階前縛草肖奸臣霹靂弓鳴射生手

饒花詞和蘊山作二首

黃昏微雨壓簾低，又聽紅窗鶉鴂啼。
春夢乍闌都化水，客心未醉已如泥。
畫船桃葉迎前浦，駱馬楊枝送大隄。
香沒芎蘿山下徑，不堪重泛若耶谿。

去住商量總惱公，鸞飄鳳泊太怱怱。
酒波冷瀉愁邊綠，花淚嬌生夢裏紅。
縱有秋期懷北渚，忍將春約負東風。
羨他蝴蝶雙雙住，只在青牆院落中。

爲仙九題萱花畫扇

兩兩天香相對看，宜男花信最平安。
庭前豔種青棠樹，不但忘憂夏合驩。

十四友同車圖申耆太史屬題

露車一轅中馬左驂驢跨驢而從者三車之中
白鬚高坐者子常仰而與語者卿縑青兜蔽耳
側坐露半面者宛鄰若士對之舉手若與語若
士之後左山子右彥聞紹聞背宛鄰坐撚鬚若
有所思善之坐右轅回面與伯恬語孝逸曳一
足坐左轅若與驢背人相盼也驢傍車稍後前
彥惟後贊卿竹吾竝而語竹吾挂鞭若聽者馭
夫結束傍右轅而趨揚鞭左顧若指示車中人
者爲保緒先是張懷白爲諸人各寫照欲彙爲
一圖又欲俟宛鄰歸并圖之會宛鄰自京師徑

至山左不果歸懷白不識宛鄰故爲側寫不能
求似也餘人則栩栩如對面矣他日相思一展
視亦可以稍釋寤寐矣夫子常祝大名百十宛
鄰張二名琦若士丁四名履恆紹聞陸九名耀
邁卿縑莊四名綬甲伯恬周大名儀暉贊卿魏
大名襄山子吳五名育保緒周二名濟孝逸管
大名繩萊彥惟張大名成孫彥聞方大名履篋
竹吾康大名兆奎善之鮑六名繼培此其齒序
也竹吾山西興縣人善之安徽歙縣人山子吳
江人子常江陰人保緒宜興人餘皆武進陽湖

人道光二年正月諸人集於常州之東坡舊屋
再集於揚州之靜脩儉養軒三年三月懷白畫
此在余家枕芸書屋其年十月裝於江陰暨陽
書院乃記之時孝逸竹吾善之在京師贊卿在
雲南宛鄰在山左山子彥聞在河南紹聞在浙
江卿縑在安徽彥惟保緒在揚州若士伯恬家
居不常見見余記者子常也爲月十八日武進
李兆洛書於暨陽書院

李郭崔李載兩舟襃衣博帶紫綺裘七賢入關始入畫
關門四扇騎青牛後來忝寫十六客生綃設色追營邱

西園圖中坐譚笑雅集不與風塵謀豈知萍根種人海
聚散飄忽如浮漚少同里閨長離別鴻來燕往飛春秋
何況它鄉各異縣閉門合軌難其儔南垂北際大如礪
且向天涯索知己黃衫白袷打包行火伴相邀作兄弟
油衣代瓦勃宰聲風鐸岡即四千里同車親暱勝同舟
促膝摩肩迭臥起惜無廣乘抵穹廬此中卿輩能容幾
咄哉畫師想入神自成一隊十四人下帷新婦太懊惱
露車劣駟拖雙輪廂旁轅罽坐十客壓車欲折車不奔
三人聯跨黑白衛顧盼笑語如欲聞其餘一人奔絕塵
是何意態不可馴短衣草屨健裝束一鞭叱馭生風雲

諸賢大半未識面往往聞名勝相見雪山院長記此圖
便與羣公作小傳不比凌煙少馬援但須冒雪圖常建
戴笠相逢世所稀執鞭倘許吾猶羨齊州九點點秋煙
風馬雲車各一天惆悵江南桑苧客兩三人話野航船
將自江陰旋里而泉南適至遂借住旬日展讀新
刻舊雨集增所感憶用贈長言

我曹蹤蹟不可料五載相思一握笑客舍牽君岸上船
歸程滯我江邊擢憶昔逢君崧浦濱鶴聲一一叫秋雲
障塵拋卻黃羅扇磨墨邀題白練裙船楫沒水夜潮上
揖別江頭太鹵莽憑誰咄咄達空函夏與恩恩盟息壤

南响老友

芝生居南响山莊

索和詩玉屏山客

萊臧自稱玉屏山人

邀填

詞十行夫柳忝官稅一榻禪花感鬢絲珠街小市漁莊
外寄聲來喫鱸魚膾談柄遲搖塵尾輕詩筒先壓牛腰
大夜雨懷人夢有無題襟姓氏半江湖自鐫吳郡新詩
本徧寫高陽舊酒徒太息南响闕荒宅玉屏又作遠行
客虛約三人不速賓少穿一兩平生屐難說田園老此
身年來橐筆亦依人早開東閣延何遜莫向北山嘲彥
倫雲蘿官廨嘯烏慘賓僚聚散都生感蒲團還我佛菩
提茗盃贈君仙橄欖劉伶巷內酒新芻黃歇浦前人倚
樓正憶封書題陸凱尚畱懸榻待周璆江口人聲喧午

市狹路逢君君乃是把手先驚覲面奇縱譚不覺悲歌
起中年哀樂總相關小住還應惜此間商略兩人今舊
雨許多著述貯名山

拂水山莊四首

峯腰瀑布翠微分十畝荒莊弔夕曛江令已刪南史傳
稚圭空寄北山文地臨廢閣環秋水人指危樓說絳雲
論到蓋棺仍未定白楊蕭颯尙書墳

一局殘碁噩夢驚園林如舊破巢傾科場閒說前朝事
黨籍難傳異代名白髮有人脩薦表青山無地著公卿
九京應被松圓笑虛築書堂賦耦耕

劫火文章削汗青書樓萬卷付飄零已拋絲竹東山墅
莫話滄桑野史亭老去慣穿危素履生前難應謝敷星
草堂咫尺東皋在粵嶠嘯鵑不忍聽

金屋雲淡看曉妝新詩傳唱柳枝孃死猶可忍卿偏俠
老尙多情壻太狂紅豆春風還結子綠蕪秋雨不聞香
墓田拾得銀華鏡猶刻河東字兩行

詠醋卽席口占

珍珠餘瀝滴糟卮龍鮓堆盤五色浮直道儘容鄰舍乞
苦吟闌入甕邊求枉將恨事添金橘怕有香名妒石榴
莫向迴風歌栲栳酸丁難覓錦纏頭

夢遊仙詩十三首

曲江橋下閉門居
生小梧桐女校書
愁絕春風敷水店
雙拋紅淚送籃輿

流水桃花直到門
璿瑜簫鼓夕陽邨
苧蘿人嫁青苔繡
一路香銷步屐痕

蕙蘭姊妹賭才華
舊句叢殘壁上紗
惆悵西陵松柏路
年年秋雨泣湘花

香茗移根顧渚椽
四孃宅畔一谿花
有晴莫怨西邊雨
怕是東風不憶家

骨出飛龍滿鏡愁
楷釵斜插嬾梳頭
隔年翠被裝綿薄

秋海棠開又一秋

用朝鮮金命喜句

青蘿門徑傍秋潭酒譜襟經事事諳張八生憐魏三熟
銷魂真箇到江南

百褶湘裙織藕絲青團扇底遠山眉調言莫信金樓子
曾見徐孃未老時

十三行字豔銀鉤八斗才名悔浪遊誰似吳門韓博士
一生管領六宮愁

新月彎彎古月低顏垣衰草板橋西玉人去後妝樓改
賣帖淒涼澹墨題

殤紅落盡杏花邨不是清明亦斷魂藏得十年女兒酒

淡淡澆向碧桃根

歷亂朝雲壓鬢鴉支牀安曰稱當家石欄悄倚無人見
照影雙雙汲井華

白藕花開照水明秋來紈扇尙多情曉雲吹散蘇姑夢
不到遼西莫打鶯

虎耶酒樓

橫塘七里照橫波越女吳孃問苧蘿雙槳過橋鐙影亂
重樓壓水酒香多林巒有樣描圖畫風月無愁管綺羅
聞煞要離墳上草一尊誰與酌青莎

題潘冰蟾女史

淑

蘭閨讀畫圖卽索畫春雨護花

圖冊子四首

劉家才調第三孃香茗春椒各擅場
吮墨妙拈斑竹管

藏書低壓縷金箱
青綾幃淺調宮粉
黃絹碑淡蕤瓣香

自署紉蘭樓閣好

紉蘭閣女史所居

圍屏六扇畫瀟湘

江上雲山河上槎
早隨宦轍半天涯
屏風士女臨周昉

女史受六法於周鐵瓢山人

官舫圖書載米家
新購典將金纏臂
舊

題展盡玉鴉叉
蠶眠細跋簪花字
粉壁淡淡籠絳紗

黛煤赭土染斑爛
半待臨摩半待刪
但錄雲煙都是福

枉拋鍼綫未曾閒
鏡函空翠千章樹
扇角遙青一桁山

寄語秦樓畫眉手
莫辭辛苦學荆關

宋二語反元遺山詩意

多買臙脂少買絲買絲只合繡昌之圖成沒骨汚寒具
去歲古泉以女史畫扇見貽惜爲俗客污損揀取生香換折枝庭院落花簾
外兩人家春樹畫中詩乞來彤史傳三絕低首吳興管
仲姬

寄周泉南十柳田家二首

先生古天民高臥九峯麓雙扉枕碧谿一逕翳幽竹讀
書多清暇學辨麥與菽卽舍午雞噉炊煙桑柘綠手栽
十楊柳珍珍覆茅屋日夕涼風生披襟坐碌碡水旱頗
關心農經手鈔錄欲擬田家詩惜無儲太祝

萍根聚蘆灘扁舟泊崧浦竇從方喧闐未及吐肝腑讀

君所著書咄咄良工苦芸燒蠹簡香松折龍鱗古欲放
剡谿船琴尊叩巖戶秋風種秫田春雨垂楊塢酒脯沾
前邨菘葵摘後圃倘有草堂貲耦耕約無阻

余食蔥薤俄盡二器同人怪余有北人之嗜因賦
南庖北肆較如何底用香橙手自搓嘗去不妨三斗盡
撒來又見一巡過茗椀味苦奴羊酪甘蔗漿寒換駱駝
莫笑古來成癖嗜瘡痂那比鮓魚多

詠懷古蹟詩和鐵雲山人十首

司馬長卿故里

茂陵秋雨暗黃昏賸有蕭條四壁存結客最難逢邑令

木
言
卷
六
愛才畢竟是王孫牆低宋玉花當路肆近嚴平酒滿尊
浪把黃金買詞賦白頭哀怨似長門

杜工部遺象

乘陽牛酒命如何溝壑難填此獻歌知爲苦吟成瘦削
況兼憂患與銷磨文章有燄鬚眉在骨肉無人涕淚多
猶幸揮毫留采筆浣花谿上翦江波

龍鳳祠

白帝風雲壓古祠千秋各自大名垂人間生死須臾事
天下安危隻手支誰信蕭曹成絕代我憐管樂不同時
讀殘青史功臣表國士無雙未算奇

劔閣

青天半壁萬芙蓉，傑閣宮雉礪石鋒。
蜀道遙盤千仞合，秦關俯瞰一丸封。
羊腸尚叱王尊馭，虎穴難尋鄧艾蹤。
壯士功名才子筆，銘詞勒在最高峯。

利州皇澤寺

寺有唐武氏女尼塑象

夏衣入侍太恩恩，大眼楊花易惱公。
暫現莊嚴仍斌媚，古來兒女此英雄。
書成樓子人難老，壻奪瑤光計未工。
畱得一朝家法在，有人曾住玉清宮。

登黃鶴樓

武昌楊柳綠成絲，霸業銷沈酒一卮。
樓角當空初縱目，

江山雖好怕題詩
銅琶急拍龍涎滑
鐵篴橫吹鶴背遲
漢口夕陽無恙在
仙人去後不多時

弔禰衡

春來碧草又芳菲
一角平洲帶石磯
蓋世狂名生不偶
依人末路死如歸
有才難得姦雄妒
定論須知嫚罵非
絕調漁陽猶在耳
江湖吹雨忽橫飛

宋玉冢

杯酒親澆土一坯
每逢搖落歎奇才
秋風鬼唱招魂賦
春草祠荒夢雨臺
同調祇餘唐勒輩
後人還爲汨羅哀
大言欲起先生問
高豔濃香已劫灰

望峴山

三尺穹碑第一流，不分華屋與山邱。
最難上將輕裘帶，共話生平舊釣遊。
讐敵尙知尊北斗，賓僚怕夏過西州。
行人莫唱襄陽樂，說到滄桑淚未收。

挂劍臺

天涯聚散感苔岑，欄具摩挲擊節吟。
後死交遊餘一面，平生狀諾重千金。
秋風落日行裝健，宿草荒原涕淚深。
三尺魚腸論劍術，不堪南望故園心。

題戴滄鷗赤壁圖二首

斷崖一片夕陽浮，蘆荻蕭蕭兩岸秋。
記得布帆江上路，

黃州西去是荊州

千古詞豪唱大蘇
英雄淘盡浪花鏕
一尊我酌江心月
鐵板銅琶尙有無

桂畱山房詩集卷八終